



Samostalni sindikat državnih službenika i zaposlenika Uprave za indirektno oporezivanje BiH  
Самостални синдикат државних службеника и запосленика Управе за индиректно опорезивање БиХ

Sjedište Sindikata: ul. Bana Lazarevića bb, 78000 Banja Luka ; ул. Бана Лазаревића бб, 78000 Бања Лука

Broj: 36/24

Banja Luka, 14.10.2024. године

BOSNA I HERCEGOVINA - БОСНА И ХЕРЦЕГОВИНА  
UPRAVA ZA INDIRECTNO NEIZRAVNO OPOREZIVANJE  
OPREZIVANJE  
BANJA LUKA - БАЊА ЛУКА

PRIMLJENO/PRIMATELJNO 14. 10. 24

Opć. jedinica / Опć. јединица	Klas. oznaka / Клас. ознака	Broj i mjesto / Број и мјесто

KABINETU DIREKTORA  
n/r DIREKTORA

ODSJEKU ZA PROFESIONALNE STANDARDE  
n/r šef Odsjeka

Na osnovu člana 15. Zakona o državnoj službi u institucijama Bosne i Hercegovine( „Sl. Glasnik BiH“ broj: 19/02, 35/03, 4/04, 17/04, 26/04, 37/04, 48/05, 2/06, 32/07, 43/09, 8/10, 40/12 i 93/17), članova 1., 3., 4., i 94. Zakona o radu u institucijama Bosne i Hercegovine( „Sl. Glasnik BiH“ broj: 26/04, 7/05, 48/05/, 50/08, 60/10, 32/13, 93/17 i 59/22), člana 39. Zakona o Upravi za indirektno oporezivanje („Sl. Glasnik BiH“ broj 89/05), člana 13. Zakona o udruženjima i fondacijama Bosne i Hercegovine(„Sl. Glasnik BiH“ broj: 32/01, 42/03, 63/08, 76/11 i 94/16), te člana 8. i 34. Statuta Samostalnog Sindikata državnih službenika i zaposlenika u Upravi za indirektno oporezivanje BiH broj: 10/1-99/14 od 21.12.2014.godine ovjerenog od strane nadležnog Ministarstva pravde BiH dana 04.02.2015.godine pod brojem 08-07-1-131/07 podnosimo:

**PREDMET: PRIGOVOR na akt direktora UIO broj: 01-34-7-237-I-1/24 od 10.10.2024.godine**

Kako je dana 10.10.2024.godine od strane kabineta direktora UIO donesen akt, odnosno obavjest broj: 01-34-7-237-I-1/24 koja je prosljeđena svim organizacionim jedinicama a kojom se svi zaposleni u UIO obavještavaju da će se vršiti provjera znanja putem testa od 15(petnaest) pitanja koja će se bazirati na pitanjima iz Opšteg dijela stručnog ispita za rad na poslovima indirektnih poreza zaposlenih u Upravi za indirektno oporezivanje i to iz predmeta „Organizacija i djelokrug rada UIO i Upravnog odbora UIO“, „Kodeks ponašanja zaposlenih u UIO“ i „Disciplinska i materijalna odgovornost“ moramo Vas obavjestiti da se Samostalnom Sindikatu državnih službenika i zaposlenika UIO obratio veliki broj zaposlenih izražavajući svoje nezadovoljstvo i uznemirenost navedenim aktom iz razloga što su oslobođeni polaganja Stručnog ispita tako da navedeni akt kojim se najavljuje „provjera znanja svih zaposlenih“ nema uporišta u zakonskim propisima Zakona o državnoj službi u institucijama BiH, Zakona o radu u institucijama BiH, Zakona o Upravi za indirektno oporezivanje, a u suprotnosti je i sa donesenim Pravilnikom o polaganju stručnog ispita za rad na poslovima indirektnih poreza zaposlenih u Upravi za indirektno oporezivanje („Službeni glasnik BiH“ broj: 19/24).

Članom 5. navedenog Pravilnika je propisano, „polaganja opšteg dijela ispita oslobođen je zaposleni koji u UIO radi najmanje pet godina, a Posebnog dijela ispita oslobođen je zaposleni koji poslove osnovne djelatnosti u UIO obavlja najmanje deset godina“.

Članom 7. stav 1. istog Pravilnika je propisano da zaposleni iz člana 5. stav 2) Pravilnika, koji ispunjavaju propisane uslove za oslobađanje od polaganja Opšteg i Posebnog dijela ispita zahtjev za oslobađanje podnose Odsjeku za upravljanje ljudskim potencijalima, koji cijeni ispunjenost uslova i izrađuje nacrt rješenja o oslobađanju od polaganja Stručnog ispita za rad na poslovima indirektnih poreza (Opšteg dijela i Posebnog dijela ispita).

Kako je veliki broj državnih službenika i zaposlenika UIO u skladu sa članom 5. stav 2. i 3. donesenog Pravilnika ispunjavao propisane uslove za oslobađanje od polaganja Stručnog ispita za rad na poslovima indirektnih poreza (Opšteg dijela i Posebnog dijela ispita), a saglasno članu 7. istog Pravilnika Odsjeku za upravljanje ljudskim potencijalima podnio zahtjev za oslobađanje od polaganja Stručnog ispita o čemu je nadležni Sektor za poslovne usluge donio i uručio Rješenja o oslobađanju od polaganja Stručnog ispita za rad na poslovima indirektnih poreza (Opšteg dijela i Posebnog dijela ispita) smatramo da se aktom direktora broj: 01-34-7-237-I-1/24 od 10.10.2024. godine kojim se najavljuje provjera znanja svih zaposlenih iz „Opšteg dijela ispita“ sa testom od 15 (petnaest) pitanja grubo narušavaju određena prava i oduzimaju već stečena prava svih državnih službenika i zaposlenika koji ispunjavaju propisane uslove za oslobađanje od polaganja Stručnog ispita i koji su već donesenim rješenjem oslobođeni od polaganja Stručnog ispita za rad na poslovima indirektnih poreza (Opšteg dijela i Posebnog dijela ispita) jer navedenim aktom se ne priznaju već donesena Rješenja Sektora za poslovne usluge i ne priznaje se pravo državnog službenika i zaposlenika koji je to pravo već ostvario u skladu sa važećim propisima i propisanom procedurom.

Shodno navedenom Samostalni Sindikat državnih službenika i zaposlenika UIO smatra da svi državni službenici i zaposlenici koji su oslobođeni od polaganja Stručnog ispita o čemu je nadležni Sektor za poslovne usluge donio i Rješenja o oslobađanju od polaganja Stručnog ispita za rad na poslovima indirektnih poreza (Opšteg dijela i Posebnog dijela ispita) kao i oni službenici i zaposlenici koji ispunjavaju propisane uslove za oslobađanje od polaganja Stručnog ispita u skladu sa donesenim Pravilnikom ne treba da se pozivaju na provjeru znanja i ne treba da se odazivaju polaganju testa od 15 (pitanja) za provjeru znanja zato što to nije u skladu sa zakonskim odredbama Zakona o državnoj službi u institucijama BiH, Zakona o radu u institucijama BiH, Zakona o Upravi za indirektno oporezivanje i navedenim Pravilnikom, osim ukoliko to žele dobrovoljno da učine.

Takođe, moramo Vas podsjetiti da veliki broj državnih službenika i zaposlenika u UIO radi od njenog osnivanja 2004. godine, službenici imaju položene stručne ispite za rad u državnim organima, imaju položene carinske ispite, u međuvremenu su bili polaznici velikog broja stručnih seminara i obuka koje su držali domaći i međunarodni stručnjaci i eksperti, službenici posjeduju razne izdate certifikate i potvrde, u dvadeset godina su obavljali stručne i nasloženije poslove za koje su neophodna specifična i stručna znanja koja se stiču godinama, o čemu postoje dokazi u personalnim dosijeima svakog zaposlenog i evidencije kod Agencije za državnu službu (TMS ADS) tako da akt broj: 01-34-7-237-I-1/24 od 10.10.2024. godine kojim se najavljuje „provjera znanja svih zaposlenih“ iz „Opšteg dijela ispita“ sa testom od 15 (petnaest) pitanja je u suprotnosti sa Zakonom o Upravi za indirektno oporezivanje, Zakonom o državnoj službi u institucijama BiH, Zakonom o radu u institucijama BiH i u suprotnosti sa donesenim Pravilnikom o polaganju stručnog ispita za rad na poslovima indirektnih poreza zaposlenih u Upravi za indirektno oporezivanje jer narušava i uskraćuje već ostvarena prava državnih službenika i zaposlenika niti se njihovo znanje može provjeriti na navedeni način.

Moramo se osvrnuti na pasus 6 (šest) donesenog akta direktora broj: 01-34-7-237-I-1/24 od 10.10.2024. godine kojim se najavljuje provjera znanja svih zaposlenih iz „Opšteg dijela ispita“ sa testom od

15(petnaest) pitanja u kojem je navedeno „ upozorenje na ozbiljnost u pristupu predmetnoj provjeri znanja, te da je ishod navedenog testiranja od direktnog uticaja na rad istih“, te moramo konstatovati da sama sporna provjera znanja svih zaposlenih koja nema pravnog i zakonskog uporišta kojom se narušavaju prava zaposlenih ne može i ne smije imati uticaja na rad državnih službenika i zaposlenika koja se može protumačiti i kao vršenje pritiska na sve zaposlene da se svi moraju odazvati provjeri znanja od 15(petnaest) pitanja a ukoliko to ne učine i „loše“ urade najavljeni test koji nema pravnog osnova mogli bi imati određene negativne posljedice po svoj status zaposlenog u UIO a koji nikako ne može biti mjera znanja i stručnosti državnih službenika i zaposlenika koji su već oslobođeni od polaganja Stručnog ispita za rad na poslovima indirektnih poreza(Opšteg dijela i Posebnog dijela ispita). Smatramo da navedeni način obraćanja svim zaposlenim nije na mjestu i da je onaj ko je isti sačinio i donio direktoru na potpis o tome trebao voditi računa.

Shodno navedenom, sa dobrim namjerama predlažemo da zbog interesa svih zaposlenih, prava iz radnog odnosa, već stečenih i ostvarenih prava, te sveukupnih složenih odnosa u UIO ovaj propust i problem riješimo na zadovoljstvo svih zaposlenih i doneseni akt broj: 01-34-7-237-I-1/24 od 10.10.2024.godine kojim se najavljuje „provjera znanja svih zaposlenih“ iz „Opšteg dijela ispita“ sa 15(petnaest) pitanja stavite van snage i uskladite sa donesenim Pravilnikom o polaganju stručnog ispita za rad na poslovima indirektnih poreza zaposlenih u Upravi za indirektno oporezivanje tako što će se isti izmijeniti i odnositi samo na one službenike i zaposlenike koji i imaju obavezu polaganja Stručnog ispita za rad na poslovima indirektnih poreza(Opšteg dijela i Posebnog dijela ispita) koji ne ispunjavaju propisane uslove da budu oslobođeni a nakon organizovanja predavanja i obuke kako je to i propisano jer nema zakonskog osnova da bilo ko na bilo koji način vrši provjeru znanja svih zaposlenih u Upravi za indirektno oporezivanje a naročito onih koji u svojim personalnim dosijeima imaju neophodne dokaze kao što su validne diplome, uvjerenja, potvrde, certifikate i rješenja koji dokazuju da imaju neophodna stručna i profesionalna znanja za obavljanje stručnih i najsloženijih poslova iz nadležnosti UIO.

S dužnim uvažavanjem funkcije koju obavljate najljepše Vas molimo da ovaj dobronamjerni osnovani prigovor u vezi donesenog akt broj: 01-34-7-237-I-1/24 od 10.10.2024.godine kojim se narušavaju i povređuju već stečena prava zaposlenih uvažite i da isti riješimo unutar uprave čime će biti otklonjen navedeni propust i sve eventualne loše posljedice koje bi isti mogao proizvesti na funkcionisanje UIO, složene međuljudske odnose i ugled UIO u javnosti bez iznošenja istog i pokretanja postupaka kod drugih nadležnih organa zbog osporavanja i poništavanja donesenog akta broj: 01-34-7-237-I-1/24 od 10.10.2024.godine a što je u saglasnosti sa gore navedenim zakonskim propisima i iznesenim činjenicama kako je obrazloženo.

Unaprijed Vam se zahvaljujemo na saradnji i razumijevanju!.

S poštovanjem,

Prilog:

- Akt Direktora broj: 01-34-7-237-I-1/24 od 10.10.2024.godine

Dostavljeno:

- Kabinetu Direktora
- Odsjeku za profesionalne standarde
- arhiva Sindikata

